

O Gaiteiro de Lugo

Calendario Gallego

Pro Ano de 1941

Relixioso, profético, astronómico, recreativo,
patriótico, popular e barato

Ano 84 da fundación.

Propiedad rexistrada

Propietario, XERARDO CASTRO

Ha de haber feises ben feitas
e quen non as cumpra ben
i-o que menos razón ten
ha de queixarse das colleitas.



Quen garde os ditos dos pais
e tema a Dios soberano
non ten que temer do ano
que agora ven. Nada mais.

*Venta deste Calendario en Santiago, Casas Reales 26,
Manuel Neira Torrado.—Na Coruña, Soto, Otero e Fer-
nández, San Andrés 24.—En Vigo, Mariano Garcia, calle
García Barbón, 17.—En Ourense, Manuel Garcia e fillos,
Lamas Carbajal, 7.*

Pedidos a o Editor XERARDO CASTRO, S. Pedro, 29-LUGO

Festas e mercados da provincia de Lugo

Conceilo de Abadín. — Primeiro e terceiro sábado
Gontán.

Alfoz. — 13 Carballido; 25 de Abril e 25 de Xulio Lagoa; o primeiro miércoles Mor.

Antas de Ulla. — O 10 e mercados todos os lunes.

Baleira. — Quincenalmente alternando ca de Castroverde.

Barreiros. — Primeiro domingo e 1.º de Marzo e mercados os viernes en Souto; terceiro domingo San Xulián

Becerreá. — O 13 e 19.

Begonte. — 1.º e 15 Pacios e si o 15 é domingo o 14.

Carballedo. — 17 e 29 Castro; 4 Bucínos.

Castro de Rey. — Cada quince días en domingo alternando ca de Meira; 8 e último sábado Riberas de Lea.

Caurel. — O segundo e cuarto domingo Seoane; 1.º e 19 Folgoso; primeiro domingo Ferramullín.

Cervantes. — Cuarto domingo Donís; 28 Quindós; 18 San Pedro; primeiro domingo Seixas.

Corvo. — O primeiro domingo e o 16

Corgo. — 13 Aday; 23 Gomeán.

Cospeito. — Terceiro domingo, chamada a do Monte e o primeiro miércoles de cada mes con mercado os miércoles; primeiro xueves Muimenta.

Chantada. — O 5 e 21 e mercados os martes, xueves e domingos; 2 Laxe.

Castroverde. — Cada 15 días; 12 Miranda.

Fonsagrada. — 20 de Xaneiro, 25 de Marzo, 25 de Abril, Ascensión, Corpus, 24 de Xunio, 2 de Xulio, 15 de Agosto, 8, 9, 10 e 21 de Septiembre e 8 de Noviembre e mercados os sábados.

Foz. — Mercados os martes; 10 e 24 Espiñeira.

Friol. — O 4 e 21; 6 e 16 Roimil; 18 Cotá; 26 Guimarey.

Germade. — 4 e 19 Momán; 13 Roupar.

Guntín. — 5 Lousada; 11 Lousadela; 23 Grolos; 15 San Román.

Inco. — O 22.

Xove. — Rigueira e Xove, o cuarto domingo.

O Gaiteiro de Lugo

Calendario Gallego

pro Ano de 1941

*según as observacións feitas no Observatorio da
ciudad de San Froilán, con arreglo
o meridiano de Santiago.*

ÚNICO QUE SE PUBRICA EN GALICIA

Oómputo eclesiástico.— Aureo núm. 4.—Epacta II.—Ciclo solar, 18—Indición romana, IX.—Letra dominical, E.—Letra do martiroloxio, C.

Velacións.—Péchanse o 25 de febreiro e o 29 de novembro.

Abréanse o 14 de abril e o 26 de Nadal.

Ecrises.—Os ecreses do 1940 non son visibres en España.

Festas.—Circuncisión, 1.^o de xaneiro.— Reises, 6.—Septuaxésima, 9 de febreiro.—Domingo de Antroido, 23 de febreiro.—1.^o de Coresma, 2 de marzo.—Domingo de Ramos, 6 de abril.—Pascua, 13.—As Pascuillas, 20.—Ascensión do Señor, 22 de maio.—Pentecostés, 1.^o de Xunio.—Trinidad, 8.—Santísimo Corpus Cristi, 12 de xuño.—Ofrenda do Reino de Galicia a o Sacramento, 15 de xunio.—Sagrado Corazón, 20.—Festa de Cristo Rey, 26 do Outono.—1.^a Dominica de Advento, 30 de Difuntos.

Témporas.—Primeiras, 5, 7 e 8 de marzo; segundas, 4, 6 e 7 de xuño; terceiras, 17, 19 e 20 de setembro; coartas, 17, 19 e 20 de Nadal.

Rogacións.—Maiores, 25 de abril; menores, 19, 20 e 21 de maio.

CON FRANCO: ¡ARRIBA ESPAÑA!

Pronóstico de 1941

O «Calendario» axeitado
sal sin «xuicio» no punteiro;
perdeu o xuicio o gaiteiro
e inda non o ten gañado.

Foi de tanto troulear
pol-as festas da Victoria;
si entón perdeu a memoria
non lle podedes berrar.

Mais sin o «Xuicio do ano»
traí a fé do que virá
que pra longo tempo val
i-a escribeu Don Xián Medrano.

Vela ei vai pouco mais ou menos:

No ano de novecentos
e corenta un e mil
ha vir Maio tras de Abril,
pra os nosos sufrimentos.

Serán tan fortes os ventos
pol-os aires que hoxe vedes
que cairán as paredes
si lles quitán os cimentos.

Nos elementos mariños
habará gran mudamento,
porque choverá con vento
e... con lama nos camiños.

Faráse do fogo brasa
onde quer que fagan fogo

e o que esté na casa, logo
estará dentro da casa.

A terra ha de ser tan chan,
onde queira que chan sexa,
que a pedra, testa e rexa,
será mais dura que o pan.

Será tan longo o verán
que morra o outono acadando
e será o queixo tan brando
que se partirá coa man.

I-o que todo da man ten,
pol-os pecados da xente
deixará que esté doente
o que non estexa ben.

Nos ríos ha de pasar
que traían auga tan forte
que pasará pol-a ponte
quen se non queira mollar.

E quen botare naviñas,
pra que verdá se diga,
verá que xurden pra enriba,
como medran as meniñas.

E anunciaron os doutores
que o mais rico labrador
poderá xantar mellor
que os criados dos señores.

Os tempos que agora son
traen poucas novidades:
han facer sempre ruindades,

os malos de condición.

E como non han faltar
homes bós e agarimosos,
farán feitos xenerosos
e serán bós a fartar.

Moitos han de criticar
das cousas que os outros fagan;
e a todos cantos pagan
pagar lles ha de custar.

Ha de haber leixes ben feitas
e quen non as cumpra ben
i-o que menos razón ten
ha queixarse das colleitas.

E así o que ben léera
estas nosas profecías
verá que todol-os días
o que Dios quixo eso era.

Quen dixo que non se aviña
co que Dios quixo e mandou
seipa que lle non quedou
remedio nin medicina.

Quen garde os ditos dos pais
e tema a Dios soberano
non ten que temer do ano
que agora ven. Nada mais.

O Gaiteiro.

Notas vellas

Quen trouxo a semente dos eucaliptus da Australia foi o P. Salvado, monxe beneditino galego. Notable músico, fundador de Nova Nursia, bispo de Porto Vitoria, naceu en Tuy no ano 1814.

As mazáns «camoesas» levan tal nome pol-a familia galega dos Camoens, hoxe chamados Camaños, da que veu o gran poeta portugués.

Un Conde de Lemus Virrey do Perú foi tan potente que fixo «empedrar» de prata unha rúa de Lima pra o paso da procesión del Señor.

En Galicia no século XVI pagábaselle a un escolante un real ao mes pol-o ensino de cada neno.

O Archivo do Reino de Galicia da Coruña garda mais de 500.000 preitos con 2.000.000 de pezas. Os índices ocupan 158 volumes en folio.

Martín Conde (A semán do leñador)

Martín Conde
vai na leña.
Lunes sale,
martes chega,
coarta talla,
quinta pón,
viernes ata
sábado carreta,
¡Mulleiriña,
Lume encende
que ó fin ven
Martín Conde
xa coa leña!

XANEIRO 31 DIAS

ADICADO AO NENO XESÚS

- 1 Miér. † *A Circuncisión do Señor.* — ss. Fulxencio, Xustina, Martiña i Eufrosiana.—I. P.
- 2 Juev. ss. Macario, Isidoro, Narciso e o Beato Pedro abade (G).
- 3 Vier. ss. Genoveva e Daniel.
- 4 Sáb. ss. Aquilino, Tito e Benedicta.
- 5 Dom. O Santísimo Nome de Xesús.—ss. Anastasio e Teodoro bispos (G), Telesforo, Eduardo, Apolinar i-Emiliana.

Crescente en Aries a 1'40 da tarde

☾ Si o vento mareiro deixa paso ao N. que xa ven querendo axudarnos teremos uns días limpos, de moita friaxe, anque non tanta como a do derradeiro mes de Santos.

- 6 Lun. † *Epifania. A Adoración dos Santos Reises, Melchor, Gaspar e Baltasar e S. Meliano.*—I. P.
- 7 Mar. ss. Xullán patrón do Ferrol e Fiz.
- 8 Mier. ss. Maximino, Luciano e Gúdula.
- 9 Juev. ss. Marcelino, Xullán, Vidal e Marciana.
- 10 Vier. ss. Gonzalo de Amarante, Agatón e Xohan.
- 11 Sáb. ss. Teodosio, Hixinio, Salvio e Anastasio.
- 12 Dom. ss. Arcadio, Victoriano, Benito e Modesto.
- 13 Lun. ss. Leoncio, Gumersindo e Verónica.

Chea en Cáncer as once e catro minutos

☉ Tempo craro, con mañanciñas de xiada, quentura de sol no meiodía e un ventíño que corta nas seráns, mais nin é xeral nin ten moita seguranza.

- 14 Mar. ss. Hilario i-o beato Bernardo de Corleón.
- 15 Miér. ss. Pablo, Mauro e Benito.
- 16 Juev. ss. Fulxencio, Marcelo, Ticiano e Honorato.
- 17 Vier. ss. Antonio abade, Rosalina e Leonila.
- 18 Sáb. A Catedral de S. Pedro en Roma, e Santa Margarida.
- 19 Dom. ss. Sara, Marta, Canuto e Mario

Sol en Acuario as 10 27 da mañán

20 Lun. ss. **Fabián, Sebastián e Felisa.**

☉ *Mingoante en Libra, as dez da mañán*
Tornan os ventos do mar. Tempo con mudanzas, treboadas e borrascas. Moite neve nas terras outas.

21 Mar. ss. **Inés, Froitoso e Plubio.**

22 Miér. ss. **Vicente, Anastasio, Luftolde e Gaudencio.**

23 Juev. ss. **Adefonso e Raimundo.**

24 Vier. N.^a S.^a da Paz e ss. **Timoteo e Feliciano.**

25 Sáb. ss. **Ansurio, Bimarasio, Gonzalo Osorio, Froalengo, Serdendo, Viliulfo, Pelayo Alfonso e Pedro bispos (G), A Conversión de S. Pablo e Sta. Elvira.**

26 Dom. ss. **Policarpo, Teógenes e Paula.**

27 Lun. ss. **Olallá, Anxela, e Xohan Crisóstomo.**

☉ *Lua nova en Acuario, as once de mañán.*
A lua que é nova e febreiro que e tolo e vai chegando, han sacar por fillo un tempo revolto. Ogallá sigan as chuvias pra termos un ano temporeiro.

28 Mar. ss. **Xulián, Cirilo, Tirso e Inés.**

29 Miér. ss. **Francisco de Sales, Valero e Ruzafa.**

30 Juev. ss. **Hipólito e Fiz.**

31 Vier. ss. **Pedro Nolasco, Xulio e Marcela.**

NOTA.—I. P., Indulgencia Plenaria; I. B., Indulgencia Parcial;
(G) Santos Galegos.

Pronósticos do ano

- Ano de ameixas, ano de queixas.
- Ano de amoras, ano de choras.
- Ano de nevadas, ano de fornadas.
- Ano de noces, ano de mortes.
- Ano de peras, nunca acá veñas.
- Ano de landras, ano de grasas.
- Ano de saltón, ano de perdigón.
- Ano de ovellas, ano de abellas.
- Ano de xiadas, ano de parvas.

FEBREIRO 28 DIAS

ADICADO A CANDELARIA

- 1 Sáb. ss. Ignacio, Severo, Pablo y Brixida.
- 2 Dom. A Candelaria e Sta. Feliciana.
- 3 Lun. ss. Blas, Fiz e o Beato Nicolás.
- 4 Mar. ss. Andrés, Leonisa e Gilberto.

D *Crecente en Tauro, as once do mañán.*
Aminguan as chuvias e chegan unhas xiadiñas que queren amolincarnos. Inda que duren pouco non deixan de traer os seus danos.

- 5 Miér. ss. Francisco Blanco, mártir (G), Agueda, Calamanda e Albino.
- 6 Juev. ss. Teófilo, Saturnino e Dorotea.
- 7 Vier. ss. Romualdo, Ricardo e Xuliana.
- 8 Sáb. ss. Xohan de Mafa, Ciriaco, Paulo e Dionísio.
- 9 Dom. *de Septuaxésima.*— ss. Donato e Apolonia.— *Anima.*— I. P.
- 10 Lun. ss. Escolástica, Sotera e Xacinto.
- 11 Mar. ss. Saturnino, Lázaro e Desiderio.
- 12 Miér. ss. Euxenio, Damián e Olalla.

E *Chea en Leo, as doce da noite.*
Sol de febreiro que come e mata. Ollo con él, que os días nin son boos pra o campo nin aquecen á saúde. Ben vamos si chega unha reguiña.

- 13 Juev. ss. Esteban abade (G), Benigno, Marcelo, Lucina e Catalina.
- 14 Vier. ss. Valentín e o beato Xohan Bautista.
- 15 Sáb. ss. Severo, Casto, Lucio e Decoroso.
- 16 Dom. *de Sexaxésima.*— ss. Elias, Isaias, Xeremias, Xulián e Faustino— I. P.
- 17 Lun. ss. Xulián de Cadocia e Alexo.
- 18 Mar. ss. Teotonio (G), Simeón, Claudio i-Eladit.

E *Mingoante en Escorpio, as seis do seran.*
Qeixábaste do sol, pois eiquí tes a chuva. E chega ben. Que non sean moitas as borrascas do mar, i-os mariñeiros han de agradecerllo a Virxe do Carmen que é a sua abogosa.

MARZAL 31 DIAS

ADICADO A SAN XOSÉ

- 1 Sáb. S. Rosendo bispo, S. Manilan abade (G) e O Sto. Anxel da Guarda.—I. P.
- 2 Dom. I de Coresma.—ss. Simplicio, Pablo e Lucio.—I. P.
- 3 Lun. ss. Emeterio, Celedonio e Ticiano.—I. P.
- 4 Mar. ss. Casimiro, Cayo e Lucio.—*Anima*.—I. P.
- 5 Miér. ss. Eusebio, Adrián, Teófilo e Nosa Sra. de Africa.—*Témpora*—*Año sin abst.*—I. P.
- 6 Juev. ss. Victoriano, Víctor e Cirilo.—I. P.
Crecente en Géminis, as sete e vinte e cinco da mañán.
- 7 Somella que imos retornar á invernia brava según se revolve o tempo. O crecente en Géminis deberá traer melloría, mais quizaves non poida.
- 7 Vier. ss. Tomás de Aquino e Felicitas.—*Témpora*.—*Año e abstinencia*.—I. P.
Festividade dos estudantes.
- 8 Sáb. ss. Xohan de Dios e Fiz.—*Témpora*.—I. P.
- 9 Dom. II de Coresma.—ss. Francisca e Gatalina.—I. P.
- 10 Lun. ss. Crescencio, Alexandro e Melitón.—I. P.
- 11 Mar. ss. Euloxio, Constantino e Fermin.—I. P.
- 12 Miér. ss. Gregorio e Ntra. Sra. da Misericordia.—*Año*.—I. P.
- 13 Juev. ss. Leandro, Cristina i-Eufrasia.—I. P.
Chea en Virgo, as doce menos coarto da mañán.
- 14 Vier. ss. Florentina e Matilde.—*Año e abs.*—I. P.
- 15 Sáb. ss. Anxel Tutelar de G., Longines, Raimundo e Melitón.—*Anima*.—I. P.
- 16 Dom. III de Coresma.—ss. Xulián, Ciriaco e Agapito.—*Anima*.—I. P.
- 17 Lun. ss. Xosé de Arimatea e Patricio.—I. P.
- 18 Mar. ss. Cirilo, Gabriel, Salvador e Braulio.—I. P.
- 19 Miér. † San Xosé esposo da Sma. Virxen.—*Año*.—I. P.

20 Juev. ss. Martiño de Dumio bispo (G), Eufemia e Ambrosio.—I. P.

☉ *Mingoante en Sagitario, as tres da mañán.*
¡Vaya si se revirou o tempo! Temos auga a faltar, que mesmo se libra o ceo.

21 Vier. ss. Benito e Filemón.—*Aiño e abstinencia.*—I. P.
Sol en Aries as doce en cuarto da noite

PRIMAVERA

22 Sáb. ss. Deogracias, Plubio e Basilio.—I. P.

23 Dom. *IV de Coresma.*—ss. Victoriano, Fidel e Toribio.—*Anima.*—I. P.

24 Lun. ss. Simeón e Agapito.—I. P.

25 Mar. A Anunciación da N. Sra. i-Encarnación do Señor, ss. Dimas e Quirino.—I. P.

26 Miér. Bto. Diego Xosé de Cádiz (G), ss. Braulio e Teodosio.—*Aiño*—I. P.

27 Juev. ss. Ruperto, Lidia e Alexandro.—I. P.

☉ *Nova en Piscis, as oito e cuarto da noite.*
Non moito, pero algo vaise mellorando, i anque o tempo xeitoso pouco dura sempre será mellor que o pasado. Ventos do Nordés.

28 Vier. ss. Castor, Doroteo e Sixto.—*Aiño e abstinencia*—I. P.

29 Sáb. ss. Pastor, Xonás i Eustasio.—I. P.

30 Dom. *de Pasión ou de Lázaro.*—ss. Xohan Climaco, Víctor e Régulo.—I. P.

31 Lun. ss. Amadeo e Amós.—I. P.

Primaveira

Feixes de lanzas de sol, urros de festa algareira,
albas de garridas coores, cantos das aves pintadas,
regueiros murmuradores, orballos das alboradas,
ramos d'arboreos en frol, xa veñen coa primaveira..
inda bendiga Dios as novas frores,
lanzas de sol, regueiros e coores.

† MANUEL LAGO GONZALEZ
Arcebispo de Compostela, finado en 1925

ABRIL 30 DIAS

ADICADO AOS DOORES DA VIRXE

- 1 Mar. ss. Venancio, Macario e Teodora.— *Festa nacional.*—I. P.
- 2 Miér. ss. Francisco de Paula e Abundio.—*Año.*—I. P.
- 3 Juev. ss. Engracia virxe mártir (G), Benito, Ricardo, Benigno e Ulpiano.—I. P.
- 4 Vier. *de Doores.*—ss. Isidoro, Victor e Zósimo.—*Anima.*—*Año e abstinencia.*—I. P.
- 5 Sáb. Bto. Xohan de Viveiro, ss. Vicente Ferrer, Emilia e Irene.— *Anima.*—I. P.

☾ *Crecente en Cáncer, as doce e coarto da noite.*

A brétema das mañás non favorece os pomares da ribeira. Nos outros tornamos a ter neve, que se derreterá axiña.

- 6 Dom. *de Ramos.*—ss. Celso, Celestino e Marcelino.—I. P.
- 7 Lun. ss. Epifanio, Ciriaco e Donato.—I. P.
- 8 Mar. ss. Perpetuo, Alberto, Máxima e Xenaro.—I. P.
- 9 Miér. ss. María Cleofé, Casilda e Prócoro.— *Año.*—I. P.
- 10 Juev. *Santo.*—ss. Urbano abade (G), Ezequiel e Daniel.—I. P.
- 11 Vier. *Santo.*—ss. León, Antipas e Isaac.—*Año e abstinencia.*—I. P.

♋ *Chea en Libra, as nove e coarto da noite.*

Boanza, con xiadas. Chan enxoito. Una reguiña de cando en ves que non se precisaba pra os traballos, ben o sabe Dios, mais que non mágoa.

- 12 Sáb. *Santo ou de Gloria.*—ss. Victor mártir (G), Constantino e Zenón.—I. P.
- 13 Dom. *de Pascua de Resurrección.*—ss. Hermenexildo, Xustino e Máximo.—I. P.
- 14 Lun. ss. Pedro González Telmo ab. dos mariñeiros (G), e Tiburcio e Valeriano.—*Abrense as velacións.*—I. P.
- 15 Mar. ss. Anastasia, Basilisa, Victorina i-Elena.—I. P.

MAIO 31 DIAS

M E S D A S F R O R E S

- 1 Juev. ss. Felipe, Santiago, Sexismundo e Orencio.
- 2 Vier. ss. Anastasio e Fiz. *Festa Nacional.—I. P.*
- 3 Sáb. A Invención da Santa Cruz e S. Aleixandro.
- 4 Dom. ss. Paulino, Ciriaco, Mónica e Antonina.

Crecente en Leo, a unha menos dez da tarde.

● Cambios no vento, non no tempo. Ao remate a primavera quérese amosstrar cuns días bos pra o campo, i-o vento non quer deixala, pois o crecente ven en Leo.

- 5 Lun. ss. Pío, Máximo, Eulogio e Agustíño.
- 6 Mar. ss. Xohan Ante-Portam-Latinam patrón dos impresores, Benita e Nosa Sra. da Cabeza.
- 7 Miér. ss. Augusto, Agustíño, Domitila e Benedicto.
- 8 Juev. Nosa Señora dos Desamparados e S. Eladio.
- 9 Vier. ss. Gregorio Nacianceno e Lucas.
- 10 Sáb. ss. Antonino e o beato Xob.
- 11 Dom. ss. Domingo eremita (G), Florencio e Anastasio.

Chea en Escorpio, as cinco e coarto da mañán.

● A primavera púdolle ao vento. Temos unha bris mainiña, i-un tempo doce. Anque non duren, o campo os agradece.

- 12 Lun. ss. Domingo da Calzada i-Epifanio.
- 13 Mar. Nosa Sra. dos Mártires e S. Pedro Regalado.
- 14 Miér. ss. Bonifacio, Pascual, Xusta e Xustina.
- 15 Juev. ss. Isidro labrador, Torcuato e Simplicio.
- 16 Vier. ss. Xohan Nepomuceno, Honorato e Ubaldo.
- 17 Sáb. ss. Pascual Bailón e Bruno.
- 18 Dom. ss. Félix Cantalicio e Dióscoro.

Mingoante en Acuario, á unha e coarto da noite.

● Pouco dura o tempo amorosíño. Unha borrasca, de vento quente, veno trubar. ¡Dios nos aparte da saravía e do trebón nestes días! Poucas son as malas fadas i-axiña voltarem is a días bós anque mollados.

XUNIO 30 DIAS

MES DE SAN XOHÁN

- 1 Dom *Pascua de Pentecostés ou do Espírito Santo* — Beatos Pedro Vázquez e Antonio de San Boaventura mártires (G.), Nosa Sra. da Luz e Santos Iñigo e Fortunato.— I. P.
- 2 Lun. ss. Marcelino, Pedro e Nicolás Peregrino.— I. P.
Crecente en Virgo, as dez da noite.
- 3 Treboadas. Ventos fortes. Alguns días mais mainos. Xa non queda neve nos outos.
- 3 Mar. ss. Paula, Clotilde, Isaac e Ovidio.— I. P.
- 4 Miér. ss. Francisco Caracciolo, Saturnina e Quirico.— *Témpora.*— I. P.
- 5 Juev. ss. Bonifacio, Doroteo, Apolonio e Sancho.— *Anima* — I. P.
- 6 Vier. ss.* Gonzalo de Acebeiro abade (G), Norberto, Felipe, Amancio e Paulina.— *Témpora.*— *Abstinencia* — I. P.
- 7 Sáb. O Trunfo de San Pablo e S. Roberto.— *Témpora.*— *Anima.*— I. P.
- 8 Dom. A Santísima Trinidad e ss. Medardo, Salustiano e Maximiano.
- 9 Lun. ss. Primo, Feliciano, Ricardo e Pelaxio.
Chea en Sagi'ario, as doce e meia da tarde.
- 10 Quer asomar o vran. Vento quente. Non fallan treboadas que mágoen as colleitas.
- 10 Mar. ss. Restituto, Ciriaco e Margarida.
- 11 Miér. ss. Bernabé, Fiz, Fortunato e Delaira.
- 12 Juev. † *Sanctissimum Corpus Christi.*— ss. Xohan de Sahagún, Nazario e Onofre.
- 13 Vier. ss. Antonio de Padua e Luciano.
- 14 Sáb. ss. Basilio Magno, Marciano e Rufino.
- 15 Dom. ss. Modesto, Crescencia, e Benilde.— *Ofrenda do Reino de Galicia o Smo. Sacramento en Lugo.*
- 16 Lun. ss. Benón, Francisco de Regis e Quirico.

C *Mingoante en Piscis, as catro menos coarto da tarde.*
Dios nos libre dos nubrados que veñan agora, pois o mingoante ven en Piscis. A auga que trai o vento do mar quita viño e non da pan, como rezan os ditos. Ano de fruta de hoso.

- 17 Mar. ss. Manuel, Ismael e Pablo.
18 Miér. ss. Marco, Marcelliano e Paula.
19 Juev. ss. Gervasio, Protasio, Bonifacio e Ursicino.
20 Vier. O Sagrado Corazón de Xesús e ss. Silverio, Florentina e Macario.
21 Sáb. O Purísimo Corazón de María, e ss. Luis Gonzaga, Raimundo e Demetria


Sol en Cáncer as sete e media da tarde

V R A U

- 22 Dom. ss. Paulino, Albano, Flavio e Niceas.
23 Lun. ss. Zenón, Fiz e Agripina.
24 Mar. A Natividade de S. Xohan Bautista e ss. Xohan Treson ermidao (G), e Fausto

C *Novas en Géminis, as sete e coarto do serán.*
A lúa entra con calores a reo, sin que as chuvias veñan a amingoalos nas terras húmedas, cando chega San Cristobo co seu cobo.

- 25 Miér. ss. Orosia, Guillermo, Próspera e Lucía.
26 Juev. ss. Paio de Tuy mártir, Hermoigio bispo (G), Xohan, Pablo e Virginio.
27 Vier. Nosa Sra. do Perpétuo Socorro e S. Zoilo.
28 Sáb. ss. León, Argimiro, Paulo e Benigno.
29 Dom. † *San Pedro e San Pablo* e ss. Marcelo e Siro.
30 Lun. A Conmemoración de Sant-lago Apóstol e Santa Emilia.



Troula

—¿Fai favor de me decir cal é a aceira de en-
frente?

—Aquela.

—Estache boa, xa preguntei alá e dixéronme que era ésta.

XULIO 31 DIAS

MES DE SANT-IAGO

1 Mar. S. Faxildo abade de Antealtares (G), O Precioso Sangue de Noso. Sr. Xesucristo, ss. Casto, Martín, Leonor e Galo.

2 Miér. A Visitación de Nosa. Sra. e S. Longines.

B *Crecente en Libra, as catro e media da mañán.*
Temos en casi toda Galicia tempo bó e sereo que se afirmará na lúa chea.

3 Juev. ss. Trifón, Xacinto, Heliodoro i-Eulogio.

4 Vier. ss. Laureano, Flaviano e Teodoro.

5 Sáb. ss. Miguel dos Santos, Zoa e Filomena.

6 Dom. ss. Dominica, Isajas, Lucía e Rómulo.

7 Lun. ss. Claudio, Fermín e Lourenzo de Brindis.

8 Mar. ss. Isabel, Agapito e Procopio.

B *Chea en Capricornio, as oito e coarto da noite.*
A regazadiña da Virxe de Augasantas casi non mollou as terras enxotas. Bó vran pra o pan e pra o viño si o canado de Santiago, que ven na lua nova, non é un bocoy ben cheo.

9 Miér. ss. Cirilo, Alexandro, Anatolia e Zenón.

10 Juev. Bto. Xohan Xacobo Fernández, mártir (G), e ss. Cristobo, Amalia, Segunda e Rufina.

11 Vier. ss. Dicitinio bispo (G), Pío I, Abundio e Sabino.

12 Sáb. ss. Xohan Gualberto, Félix e Marciana.

13 Dom. ss. Anacleto, Uxio, Xoel i-Esdras.

14 Lun. ss. Estebo abade (G.), Boaventura, Xenaro, Xusto e Marcelino.

15 Mar. ss. Enrique, Camilo e Antioco.

16 Miér. Nosa Señora do Carmen e S. Fausto.

B *Mingoante en Aries, as oito e coarto da mañán.*
Nas terras de ribeira veu chuvia dabondo. E nos outos non faltaron treboadas. O Apóstolo chámase «o fillo do Trono» e as nubes non queren deixar de darlle visita na súa campa de Compostela, emporiso veñen agora todas xuntas facer a súa romaxe, iranse cedo.

AGOSTO 31 DIAS

MES DE SANTA MARÍA

- 1 Vier. ss. Pedro Advíncula, Fiz e Nemesio.—*Xubileo da Porciuncula.*
- 2 Sáb. ss. Alfredo, Máximo e Nosa. Sra. dos Anxos.
- 3 Dom. A Invención de S. Estebo e S. Eufonio.
- 4 Lun. ss. Domingo de Guzmán, Perpetua i-Eutelo.
- 5 Mar. Nosa Sra. das Neves e S. Emigdio.
- 6 Miér. A Transfiguración do Señor e ss. Xusto e Pastor.
- 7 Juev. ss. Cayetano, Alberto, Donato e Sicilia.
Chea en Acuario, as cinco e media da mañán.
- Si se quer marchar a borrasca que poñía mal rostro, deixala ir. Agora, aproveitade os días bos por si son poucos.
- 8 Vier. Bto. Roxerio de Meira (G), ss. Ciriaco, Emillano e Marino.
- 9 Sáb. Bta. Urraca Sarmiento abadesa (G), ss. Román, Marciano e Cleto.
- 10 Dom. ss. Lourenzo ab. contra os incendios e Paula.
- 11 Lun. ss. Tiburcio, Filomena e Susana.
- 12 Mar. ss. Eusebio, Hilaria e Felicísima.
- 13 Miér. ss. Casiano, Hipólita, Aurora i-Elena.
- 14 Juev. ss. Nuño Alvarez coengo, (G), Eusebio, Anastasia e Demetrio.—*Vixilia da Asunción.—Auno e abstinencia.*
- 15 Vier. † *A Asunción, N.ª S.ª de Todo o Mundo, N.ª S.ª dos Ollos Grandes, P. de Lugo, S. Payo, bispo (G).*
Mingoante en Tauro, a unha corenta da mañán.
- Mingoante no día de Nosa Señora. Queira Ela que non amingue o bo tempo. E que uns ventiños lenes da banda da ferra traían boa temperanza.
- 16 Sáb. ss. Roque, Xacinto e Xaquín pai de N.ª S.ª
- 17 Dom. ss. Paulo, Xuliana, Librada e Anastasio, e Santas Godina abadesa, i-Eufemia Virxe e mártir (G.)
- 18 Lun. ss. Leonardo, Clara i-Elena.

- 19 Mar. ss. Mariano, Luis e Maxín.
 20 Miér. ss. Bernardo, Samuel e Severo.
 21 Juev. ss. Fidel, Ciriaca e Francisca de Fremiot.
 22 Vier. ss. Fabriciano e Timoteo.

Nova en Leo, as seis e media da tarde.

● A lúa chega refrescando. Viraxe do vento. Alguns crares.

- 23 Sáb. ss. Felipe, Benicio e Valeriano.


Sol en Virgo a unha e nove m. da tarde

- 24 Dom. ss. Bartolomé i-Aurea.
 25 Lun. ss. Luis, Xenxo e Patricia.
 26 Mar. ss. Ceferino, Segundo e Vitores
 27 Miér. ss. Victorio bispo e mártir (G), Rufo e Xosé de Calasanz.
 28 Juev. ss. Agustín, Bibiano, Paio e Moisés.
 29 Vier. A Degollación de S. Xohan Bautista.

Crecente en Sagitario, as duas da tarde.

● Tempo variábre con algunha milloría. Ceden os ventos do nordés pra deixar camiño a un Norte franco que pouco dura.

- 30 Sáb. ss. Ero de Armenteira abade (G), Rosa de Lima, Celedonio i-Emeterio.
 31 Dom. ss. Osorio Gutiérrez o Conde Santo de Lourenzana (G), Ramón Nonnato e N.^a S.^a do Bó Viaxe.



Adiviña

Pucariño,
 manxariño,
 nin asado,
 nin cocido,
 nin revolto con culler;
 adiviñe quen quixer.

A NOZ

SEPTEMBRO 30 DIAS

ADICADO A SAN MIGUEL

1 Lun. ss. Xil de Casaio abade (G) e Lupo.

2 Mar. ss. Antolín, Estebo e Máxima.

3 Miér. ss. Columbiano, Ladislao e Serapia.

Sale a CANICULA

4 Juev. San Adrián eremita (G), Nosa S.^a da Consolación e ss. Cándida e Rosa.

5 Vier. ss. Lourenzo, Xustinián, Rómulo e Obdulia.

Chea en Piscis, as cinco e media da tarde.

☉ Bó tempo. Días que aquecen ao viño. Ceo sereo que non pode turbar unha virazón mareira.

6 Sáb. ss. Eutelo, Uxio e Petronio.

7 Dom. ss. Vicencio abade (G), Clodoaldo, Anastasio e Nosa S.^a dos Reises.

8 Lun. A Natividade de Nosa Señora.

9 Mar. ss. María da Cabeza, Serxio e Gorgonio.

10 Miér. ss. Pedro de Mezonzo bispo, autor da Salve (G) Nicolás de Tolentino e Pulqueria.

11 Juev. Nosa Sra. das Viñas y ss. Proto e Xacinto.

12 Vier. O Santísimo Nome de María e S. Leoncio

13 Sáb. ss. Samuel bispo de Iria (G), Felipe, Eulogio e Maudillo.

Mingoante en Géminis, as sete e meia do serán.

☉ O tonel de San Miguel ven con adianto. Que o santo achante ben ao demo e non nos veña logo moliar as vendimas. Sigue o vento O.

14 Dom. A Exaltación da Sta. Cruz e S. Víctor.

15 Lun. Os Dolores Gloriosos de Nosa Sra. e ss. Nicomedes, Valeriano e Porfirio.

16 Mar. ss. Cipriano i Eufemia

17 Miér. As Chagas de S. Francisco e S. Pedro Arbués.
—*Témporas.*—I. P.

18 Juev. ss. Tomás de Villanueva e Sofía.

19 Vier. A Aparición da Virxen da Saleta.—*Témporas.*—
Abstinencia.—I. P.

OUTONO 31 DIAS

ADICADO AO SANTO ANXEL

- 1 Miér. O Sto. Anxel Custodio, ss. Remixio e Gervasio.
Dia do Caudillo.
- 2 Juev. Os Anxos da Guarda, Saturio i-Entelo.
- 3 Vier. Bto. Vela eremita (G), ss. Dionisio, Fausto, Cándido e Xerardo.
- 4 Sáb. ss. Francisco de Asis, Cayo e Aurea.
- 5 Dom. ss. Froilán bispo patrón de Lugo (G), e Plácido.
Chea en Aries, as oito e media da mañán
- San Froilán trai lua chea... e ha de ser boa. Sigue a melloría. Onde as chuvias ceden de todo non deixa de haber algunha xiada que apenas mágoa.
- 6 Lun. ss. Sabina, Primo, Feliciano e Bruno.
- 7 Mar. Nosa Sra. do Rosario e ss. Serxio e Marco.
- 8 Miér. ss. Demetrio, Paio e Nestor.
- 9 Juev. Nosa Sra. da Cinta e S. Dionisio.
- 10 Vier. ss. Francisco de Borja, Florencio e Paulino.
- 11 Sáb. ss. Nicasio, Xermán e Fermín.
- 12 Dom. Nosa Sra. do Pilar e do Remedio.—*Festa oficial da Raza.*
- 13 Lun. ss. Pedro bispo (G), Eduardo, Marcial e Venancio. A Aparición da Virxe de Fátima.
Mingoante en Cáncer, as unha da tarde.
- ☾ Nubes baixiñas, mañáns de borralla, humidade. Vento domiñante S. O Algún crariño a derradeira pra entrar con frío seco na lúa nova.
- 14 Mar. ss. Calixto, Evaristo e Bernardo.
- 15 Miér. ss. Teresa de Xesús e Bernardo.
- 16 Juev. ss. Florentino e Ambrosio.
- 17 Vier. ss. Eduvigis, Mariano, Mamerto e Victor.
- 18 Sáb. ss. Lucas, Xulián e Trifona.
- 19 Dom. ss. Pedro de Alcántara e Rosina.
- 20 Lun. ss. Caprasio, Xohan Cancio e Irene.

Nova en Libra, as duas da tarde.

- A lúa que entra con xiadas vai medrando con hu-

NOVIEMBRE 30 DIAS

MES DE SANTOS

- 1 Sáb. † *A Festa de Todol-os Santos.*—ss. Benigno, Cesáreo y María.
- 2 Dom. A Commemoración dos difuntos e S. Xusto.
- 3 Lun. ss. Valentín, Hilario, Malaquías e Teófilo.
- 4 Mar. ss. Carlos Borromeo e Domingo.

Chea en Tauro, as duas da madrugada.

Tempo sereo. Mañás de xiada, días amorosiños e criadores, noites frías. Unhas brétemas de remate e temos de novo o vento S. descomponiéndose a tempía.

- 5 Miér. ss. Zacarías, Eusebio, Fiz e Isabel.
- 6 Juev. ss. Leonardo, Severo e Vinoco.
- 7 Vier. ss. Herculano, Amaranto, Ernesto e Florencio.
- 8 Sáb. S. Alvito bispo (G), O Patrocinio de Nosa Sra. e ss. Severiano, Severo, Victorino e Godofredo.
- 9 Dom. Nosa Sra. da Almudena.
- 10 Lun. ss. Aniano, Demetrio e Andrés.
- 11 Mar. ss. Martiño, Bartolomé e Toribio.
- 12 Miér. ss. Millán, Diego de Alcalá e Paterno.

Mingoante en Leo, as catro e media da mañán.

Os ríos viñeron ben medrados, o Ulla mais que ningún, e non faltaron desgracias das treboadas. Seica ímos mellorar pois a lúa nova, que ven no Escorpión, quer deixarnos un tempo enxoiito.

- 13 Juev. ss. Estanislao, Uxío III, Homobono e Rufo.
- 14 Vier. Sta. Trahamunda de Poio abogosa dos emigrantes (G) e ss. Serapio, Lourenzo e Veneranda.
- 15 Sáb. ss. Uxío I, Leopoldo e Leóncio.
- 16 Dom. ss. Rufino, Marcos, Valero i-Edmundo.
- 17 Lun. ss. Acisclo e Victoria.
- 18 Mar. ss. Román, Máximo, Odón e Pedro.
- 19 Miér. ss. Isabel, Ponciano e Crispín.

Nova en Escorpio, as doce e cinco da noite.

Temos uns días doces. Despois friaxe dabondo. As

DECEMBRO 31 DIAS

MES DE NADAL

1 Lun. ss. Eloy, Natalia e Cándida.—I. P.

2 Mar. ss. Bibiana, Elisa e Aureliana.

3 Miér. ss. Francisco Xavier e Claudio.

Chea en Géminis, perto das nove da noite.

Tempo frío, pero despexado. Días craros. Pódese coller unha raxeiriña de sol que dá xenio.

4 Juev. ss. Osmundo, Cleto e Bárbara.

5 Vier. ss. Sabas, Agripina e Dalmacio.

6 Sáb. ss. Fernando abade de Antealtares (G), Nicolás de Bari i Emiliano.

7 Dom. II de Advento.—ss. Ambrosio, Policarpo e Urbán.—I. P.

8 Lun. † A Purísima Concepción de Nosa Señora.—Santos Macario i Esther.

9 Mar. ss. Restituto, Cipriano e Locaia.

10 Miér. S. Florencio abade (G), Nosa Sra. de Loreto ss. Eulalia i-Hermóxenes.

41 Juev. ss. Dámaso Papa (G), Sabino e Daniel.

Mingoante en Virgo, as sete menos coarto da noite.

Nadal nada. Imos ter unha Noiteboa ben escura se o ventiño do mar sigue revirando o tempo. Neve, sempre moita neve nas montañas.

12 Vier. Nosa Sra. de Guadalupe e San Constancio.

13 Sáb. ss. Uxío, Orestes e Lucía.

14 Dom. III de Advento. ss. Nicasio, Xusto, Pompeyo i-Espiridión.—I. P.

15 Lun. ss. Eusebio, Valeriano, Máximo e Fortunato.—I. P.

16 Mar. ss. Valentín e Delaira.

17 Miér. ss. Francisco de Sena, Lázaro e Olimpia.—*Temporas.*—I. P.

18 Juev. Nosa Señora da O., antiga Patrona de Pontevedra.

Nova en Sagitario, as dez e coarto da mañán.

O ano, vai vello e arrepiñese, quer morrer con ben.

Mais os ventos do Sur non queren deixarlle un respiro moi longo e temos borrascas curtas Nos outros moita neve que anuncia un bó 1942.

19 Vier. ss. Nemesio e Timoteo.—*Tempora.*—*Abstinencia de carne.*—I. P.

20 Sáb. ss. Teófilo, Xulio e Domingo de Silos.—*Temporas.*—*Año con abstinencia.*—I. P.

21 Dom *IV de Advento.*—ss. Ilduara nai de S. Rosendo, Adosinda abadesa (G), Tomás e Anastasio.—I. P.

22 Lun. ss. Demetrio, Zenón i-Elena


Sol en Capricornio as cinco e media da mañán

INVERNO

23 Mar. ss. Victoria, Nicolás, Sérvulo e Vintila eremita.

24 Miér. *Noiteboa.*—ss. Gregorio, Eutimio e Luciano.

25 Juev. † *A Natividade de Noso Señor Xesucristo.*—I. P.

 *Crecente en Aries, as once menos coorto da mañán.*

O día de Nadal trae unha lúa ben crara. Mais veñen logo os fríos, as xiadas, as neves i os ventos que non calman deica que o ano entra. Que entre con ben pra todos.

26 Vier. ss. Estebo e Marino.—*Abrense as velacións.*—I. P.

27 Sáb. ss. Xohan Apóstol, Nicereta e Teodoro.—I. P.

28 Dom. Os Santos Inocentes.—I. P.

29 Lun. Bto. Vidal abade (G), ss. David e Tomás Cantuariense.

30 Mar. A Traslación de Sant-Iago e S. Sabino.

31 Miér. ss. Franquila abade de Rivas do Sil (G), Silvestre, Columbio e Pauliña.

=====

NOITE-BOA

Brinquen todos de alegría
salten todos de contento
ó golpe das castañas,
ó son do chifre e pandeiro.

Chegou o noso consolo
chegou o noso remedio;

E nado o Mesías: homes,
festexade o Nacemento.

Amiguiños, Noite é Boa,
boás Navidades temos;
hoxe admiramos na terra
reunido ó ceo enteiro.

Unha danza graciosa
dispoñamos diante o Neno;
mentras os ángeles cantan
tamén nosoutros cantemos.

¡Qué Neno tan garridiño!
Parecen, ¡ai! dous luceiros
os seus ollos centelleantes,
que firen d'amor o peito.

¡Ai, que pelo tan roxiño!
¡Ai, que carrillos tan tersos!
¡Ai, que boquiña de rosa!
¡E un imán, un embeleso!

Xesús, e sáltanlle as bágoas...
Meu amor, ¿qué che faremos?
Toma unha rosquiña de ovos,
toma mel e queixo fresco.

Manteiga, ou leiteña... nada,
non quer manxares o Neno;
quer corazóns humildados,
quer un amor verdadeiro.

(Nadal lucense de principios do século derradeiro,
composto pol-o poeta Antonio Castro).

A aguia e mais o raposo

Conto de rapaces

Dunha ves un raposo viu unha aguia que voaba ben baixiña, e foi él e berróulle moi cordo:

—E logo, ¿pra onde vai, comadre aguia?

—Pra as bodas das estrelas, meu vello.

—E vosté quereríame levar a min tamén.


—Si, señor Raposo, lévoo alá.

—Pois logo baixe que quero subir.

A i-aguia baixou voando, voando, e o raposo subiu de riba dela e comenzaron a voar, outo, outo... E cando estaban aló enriba a i-aguia escomezou a se sacudir e o raposo que ía moi recreado soltouse. E cando ía baixando, baixando, viu que na terra había unha pena moi grandísima onde él ía cair e púxoselle a berrar:

—¡Fuxe, pena, que te esfachol ¡Fuxe, pena, que te esfachol

E como as pedras non fuxen, o raposo caeu e crebouse as costelas. E entramentras a i-aguia ía ríndose do raposo que quixera voar e que pensaba que as pedras ían fuxir pra que él non as esfCHASE.



Troula

O mestre pregunta a Pepiño:

—¿De onde sai a lan?

—Dos carneiros.

—¿I-en que se emprega?

—Non o sei.

—Logo, non sabes de que están feitos estes pantalóns que levas postos.

—Si señor, seino, de outros vellos do meu pai.

Láncara.—O 24; 16 Cedrón; 2 e 17 Puebla; 11 Río (Esfarrapa).

Lorenzana.—O 9, 19 e 28 e mercados os domingos.

Lugo.—O 4, 5 e 6 d' Outono (anual), primeiro e penúltimo viernes, o 12 e mercados os martes, viernes e domingos; penúltimo día de cada mes Nadela.

Meira.—O segundo e coarto domingo.

Mondoñedo.—O 17, 18 e 19 do Outono (anual); primeiro e terceiro xoves de cada mes, e mercado os xoves; Quendas o 2 de Mayo (anual).

Monterroso.—O 1.º y o 15 e mercados os miércoles.

Monforte.—O 6 e 24, mercado os miércoles; 5 Fiolleda.

Muras.—O primeiro sábado; primeiro e segundo domingo Viveiró; terceiro domingo Balsa.

Neira de Jusá.—1.º e 18 Baralla; 7 Sobrado.

Navia de Suarna.—Segundo domingo e derradeiro viernes 23 de Febreiro e 29 de Setembro (anuales) Puebla; terceiro domingo Silvouta; cuarto domingo Paradela; primeiro domingo Rao.

Nequeira de Muñiz.—O segundo domingo.

Os Nogales.—O segundo domingo Doncos.

Orol.—O primeiro domingo Miñotos.

Palas de Rey.—O 7 y o 19 e mercado os sábados.

Pantón.—O 1.º e 15 Ferreira; 18 Santa Mariña.

Páramo.—O 10.

Pastoriza.—Cada quince días en domingo alterno Bretoña; o segundo e cuarto sábado Reigosa.

Piedrafitá.—O 5 e 21 y o 8 de Setembro (anual).

Pol.—O 1.º e 15 Riojuan; 7 e 21 Mosteiro.

Puebla do Brollón.—11 e 25; 29 Xunio (anual); 2 Estación.

Portomarin.—Mercado os domingos.

Quiroga.—O 10 e 27.

Rábade.—O 2 e o 22 e mercado os xueves.

Ribadeo.—Todos os miércoles e o 7 de Setembro.

Riotorto.—Mercado os sábados; 14 e 26 de cada dous meses Moxueira.

Ribas do Sil.—O 16.

Samos.—O 15; 17 Ponte do Lózara; 4 Castroncán.

Sarria.—O 6 e o 20, San Lázaro (anual) e mercados os domingos.

Saviñao.—O 8 Escairón; 26 Currelos.

Sober.—O 18 e 28.

Taboada.—O 20 e mercados os sábados.

Trabaña.—O primeiro domingo; 25 de Abril Cadeira (anual); 30 de Mayo San Fernando (anual).

Trasparga.—O 28 e o domingo entre o 9 e o 15 Parga 23 Santa Cruz de Parga; 7 Villares; o último domingo Guitiriz e mercado os miércoles.

Triacastela.—O 12 e 28.

Valle d' Ouro.—O miércoles seguinte ao terceiro domingo e mercado os sábados.

Villamedá.—Cada quince días e mercado os domingos.

Villaodrid.—O 25 Villaeimil.

Viveiro.—O primeiro e terceiro domingo e mercado os xueves, sabados e domingos; o segundo domingo Galdo; lunes de Pascua, Cobas (anual).

Villaiba.—O primeiro domingo e martes seguintes a o terceiro e mercados os martes e sábados; último domingo Arbol e mercados os viernes.

Feiras anuais de Galicia

Xaneiro: 7, Portes; 8, Navallos.—*Febreiro:* 3, Portomarín.—*Marzo:* Domingo de Lázaro, Sarria.—*Abril:* 6, Noya; lunes de Cuasimodo, Tuy; lunes de Pascua, Cobas en Viveiro.—*Mayo:* Día da Ascensión, Santiago; 30, Balboa, Ribadeo.—*Xunio:* Pascua de Pentecostés, Padrón; 1, Ourense; 29, Somiedo, e Brollón en Quiroga.—*Xulio:* 2, Coruña; 25, Santiago.—*Agosto:* Día da Peregrina, Pontevedra.—24, San Bartolomé en Penas Agudas, Viveiro.—*Septiembre:* 8, Fonsagrada, 3 días; terceiro domingo Becerreá; 8, Pedrafita d' o Cebreiro.—*Octubre:* 5, Lugo 3 días; 14, Villalba; 18, Mondoñedo, 3 días; 20, Lindín; terceiro domingo, Becerreá.—*Noviembre,* 1, Monterroso e Pontevedra.—*Diciembre:* Día da Purísima, Alvare, de onde é patrona, feira 12 días e mercado os xoves.



ARTES GRAFICAS

Xerardo Castro

A MELLOR IMPRENTA DA PRO-
VINCIA DE LUGO. ENCUADER-
NACIÓS. PAPELES E CARTÓS

San Pedro, 29

Teléfono 322

LUGO